



Lugo, 27 de outubro do 2011. ADEGA e o Colexio de Arquitectos de Lugo (COAG) organizan conxuntamente un **ciclo de conferencias e mesas redondas**, que comezará

mañá venres, día 28 de outubro

, e no que se vai a abordar a problemática da xestión do territorio en relación co urbanismo, baixo o título:

" Territorio e Urbanismo. O caso Barreiros"

. Tal e como fai referencia a denominación do ciclo, poñerase unha especial atención a toda a problemática urbanística, social, ambiental e xurídica creada arredor do caso de Barreiros, e pola que ADEGA xa presentou varios recursos nos tribunais e denuncias diante da Fiscalía.

Descarga o

[CARTAZ](#)

Ambas as dúas organizacións pretenden poñer de relevo a importancia que ten **a ocupación e xestión do territorio**

, por tanto, non só constitúe unha das señas de identidade dun pobo, senón que ademais inflúe de forma determinante en todos os aspectos do futuro socio-económico e de xustiza social da sociedade. Non hai actividade económica nin social que, dunha forma ou doutra, non necesite do territorio, xa sexa como lugar de asentamento (industria, urbanismo e todo tipo de infraestruturas e servizos), como elemento produtivo (producción agrogandeira ou minaría) ou de conservación dos recursos naturais e da biodiversidade (medio ambiente).

A primeira cita con este ciclo de charlas terá lugar mañá venres, día 28 de outubro, ás 8 da tarde, no Salón de Actos dos locais de Sindicatos na Ronda da Muralla. Baixo o título **URBANISMO E ARQUITECTURA**

, abordaranse distintos aspectos do planeamento urbanístico municipal en relación coa xestión do territorio, a arquitectura e a calidade de vida. A exposición das distintas ponencias correrán a cargo de

Ramón Lueje

, xeógrafo, urbanista e ex Director Xeral de Urbanismo no goberno bipartito;

Xoán Pinto Tasende

, arquitecto e representante do Observatorio Galego do Territorio;

Raúl Veiga

, arquitecto e presidente da delegación do Colexio Oficial de Arquitectos de Lugo; e

Daniel López Vispo

, representante da organización ecoloxista ADEGA.

A segunda conferencia-debate está programada para o día 4 de Novembro, tamén ás 8 da tarde, no Edificio de Sindicatos. Desta volta, estará dedicada ao **DEREITO E URBANISMO** e participarán nela os profesores de Dereito Administrativo na USC,

Fernando Abel e Alba Nogueira

e o Secretario do Colexio de Arquitectos de Lugo,

J. Luis Sanmiguel

. Todos eles analizarán os problemas xurídicos da xestión urbanística, con especial atención ao novo marco xurídico que se pode iniciar coa aplicación das figuras do Plan Sectorial e dos proxectos sectoriais ao ámbito da urbanización do solo.

O ciclo de conferencias acabará cunha mesa redonda na que participen os **voceiros parlamentarios**

no

ámbito da ordenación do territorio e na que estes expoñerán o modelo urbanístico que cada grupo político elixido no Parlamento quere conquistar, así como o marco xurídico e a regulación xurídica coa que pretenden abordar a xestión e desenvolvemento de cada modelo. A data desta mesa redonda será posterior ás eleccións do 20 de novembro, e por este motivo aínda non se pode concretar.